

Issittumi teknologi B

1 Ilinniartitsissutip inissisimanera

Ilinniartitsissut issittumi teknologi tassaavoq teknologimi aaqqiissutit inuiaqatigiinnilu ajornartorsiutit imminnut atanerat. Ilinniartitsissummi teknologimi ineriartortitsinerup inuiaqatigiinnilu ineriartortitsinerup imminnut atanerik nalilersuinerit ilanngunneqarput teknologimillu nalilersuisoqarluni. Ilinnartitsissummi sammineqarput tunisassianik ineriartortitsinermi aammalu teknikkip, ilisimasat aaqqissuussaanerup tunisassiallu imminnut atanerat ilanngullugit inuiaqatigiinni ajornartorsiutit. Teknikkimik aamma pinggortitamik ilisimatusarnermik ilisimasat sannavimmi laboratoriamilu sulinerup ataqatigiissarneqarput.

Kalaallit kulturiat aallaavigalugu teknologimik pilersinnermik ilinniartitsissutip immikkoortui imaqarput, tassanilu teknologip inuiaqatigiillu ataqatigiinnerannik paasinnineq kiisalu suliamik ingerlatsinermi tamarmiusumi nalilersuineq immikkoortualunnillu ataatsimoortitsineq aqutugalugu teknologi qanoq pilersinneqartarneranni paasinnineq aallaaviupput. Ilinniartitsissummi ajornartorsiutit tunngavigalugit ilinniartitseriaaseq aqutugalugu sulinermi aaqqiissutissanik nassaarniarneq atuagarsornermilu ajornartorsiutit suliarineqarput.

Ilinniartitsissut ilinniarnertuunngorniarfiup pisunut qanittuuneranup nalitsinnullu tunngassuteqarneranup peqataatitsivoq aammalu ilinniartitsissutit ilaat ilinniagaqarnermut ilisarnaammik pilersitsisinnaavoq. Ilinniartitsissumi periuseq tassaavoq sivisunerusumi suliniummi suliaqarnermi ajornartorsiutit tunngavigalugit ilikkagaqartarneq. Suliniutinik suliaqarnerit kinguneraat ilinniagaqarnermi ilinniartitsissutit ataasiakkaat ataqatigiissillugit atorineqarsinnaanerup, tassanilu suliamik ingerlatsinermik ilisimasat naleqquttumik ataqatigiissinneqarput.

2. Ilinniartitsissummi siunertat

Ilisimasat piginnaasallu ilinniartut teknologip ajornartorsiutinik pilersitsisarnerani teknologip ajornartorsiutinik aaqqissuutaasarneranik aammalu inuiaqatigiinni teknologip kingunerinik isiginninniarluni teknologip ineriartortinneqarnerani ingerlatsisut soqutigisaqartullu peqataatinneqarnissaasa pisariaqassusianik ilisimasaqassapput. Ilinniartut tassunga atatillugu teknologinik assigiinngitsunik inuussutissarsiutini atorineqartartunik, isumassarsianik ineriartortitsinermik aamma tunisassianik ineriartortitsinerup atatillugu nutaaliarluni anguniagaqarlunilu sulianik ingerlatsisarnerit pingaaruteqassusiannik ilisimasussaqaqassapput.

Ilikkagaqartarnermi sulinermilu piginnaasat

Ilinniakkap sammiviani ilinniartitsissutini assigiinngitsuni atuagarsornermi ilisimasat tunngavigalugit ilinniartut ajornartorsiutinik piviusunut qanittunik katitikkanillu nalilersuisinnassapput. Ilinniartut sannavimmi laboratoriamilu pinggortitamik ilisimatusarnermi atuagarsorneq sulianillu ingerlatsineq ataqatigiissillugit sulisinnaassapput aammalu pilersitsinermi suleriaatsinik tunngavigissallugu. Ilinniartut suliniummik takingaatsiartumik suliaqarnermi ajornartorsiutit tunngavigalugit ilikkagaqartarnermik

misilittagaqalissapput, tassunga ilanngullugit ilinniarnermi sulinermilu periutsit ingerlaqqilluni ilinniagaqarnermut naleqquttut.

Inuttut inuillu akornanni attaveqaqatigiittarnermi piginnaasat

Ilinniartut pingaartumik ingeniøritut ilinniarnermi, tekniikkimik, teknologimik aamma pinngortitamik ilisimatusarnermik ingerlaqqilluni ilinniagaqarnissamut piginnaasaqalissapput.

Kulturikkut inuiaqatigiillu akornanni piginnaasat

Ilinniartut pinngortitamik ilisimatusarnerup, teknologip inuiaqatigiinnilu ineriartortitsinerup imminnut atanerannik ilisimasaqarneq tunngavigalugu inuiaqatigiinni pissutsinut atatillugu teknologimik ineriartortitsinermik isornartorsiuillutik qisuariaateqarlutillu isummersinnaassapput.

3 Ilikkagassatut anguniakkat imarisaalu

3.1 Ilikkagassatut anguniakkat

Ilinniartut uku piginnaasarilissavaat:

- a) inuiaqatigiinni ajornartorsiutinik nalilersuineq uppersaasiernerlu aamma tunisassianik kiisalu tunisassianik ajornartorsiutip aqqinnissaanut tapersiisunik ineriartortitsinermi aqqissuussamik periutsit atorsinnaallugit,
- b) misilittakkat tunngavigalugit ajornartorsiutip uppersaasiornissaanut misissuinermik ingerlatsineq,
- c) misilittaanerit ilusilersornissaanut pinngortitamik ilisimatusarnermi periutsit atorlugit,
- d) tunisassianik ineriartortitsinermut atatillugu isumassarsianik ineriartortitsinermut periutsit atorlugit,
- e) tunisassianik ineriartortitsinermut atatillugu avatangiisut suliniutaannut pissutsit pingaernerit sunniutaallu aammalu avatangiisit pillugit isumaliutersuutit nassuiarlugit,
- f) ilinniarfimmi sannavinni laboratoriamilu tunisassianik illersorneqarsinnaasumik tunisassiornermi suliamik pitsaasumik ingerlatsinermi atortut periutsillu atornerat, isumannaallisaanermik peqqissutsimillu suliaqartarneq kiisalu tunisassiat pitsaasumik pitsaassusilinnik tunisassiornermi tunisassiat pitsaassusaannik nalilersuineq uppersaasiernerlu,
- g) teknologimut atatillugu aamma tunisassianik ineriartortitsinermut tunisassiornermullu atatillugu pinngortitamik ilisimatusarnermi ilisimasat naleqquttut atorlugit nassuiarlugillu,
- h) teknologimi ilisimasat qanoq pilersinneqartarnerat nassuiarlugu, tassunga ilanngullugit isummat atuagarsornerlu teknologimik ineriartortitsinermi tunngaviusut aamma teknologip inuiaqatigiinnut avatangiiserisanut atassuteqarnera,
- i) teknologit toqqakkat oqaluttuarisaanermi ineriartortinneqarneranut nassuiarlugu,

j) ajornartorsiutit tunngavigalugit suliniuteqarnerni annertunerusuni nammineerluni allallu peqatigalugit sulineq aamma suliniuteqarnerup pilersaaruserneranut, ingerlanneranut nalilersorneranullu periutsit atorlugit,

k) suliniuteqarnek allaganngorlugu, oqaluinnarluni takuneqarsinnaasunillu uppernarsaasorlugu saqqummiullugulu aamma

l) allattarissat oqaluttarissallu atorlugit ilisimasanik uppernartumik eqqortumik ingerlatitseqqiineq.

3.2 Ilinniartitsissutip imarisai pingaarnertit

Ilinniartitsissutip imarisai pingaarnertit tassaapput:

Atortut aamma suliareqqiinermit suleriaatsit

a) atortut toqqakkat, taakku atorneqarsinnaasusiat, pilersinneqarnerat pisunilu assigiinngitsuni atorneqarsinnaasusiat

b) atortut elektroniskit toqqakkat, taakku pilersinneqarnerat, sulisaaseq atorneqartarnerallu,

c) ataasiakkaani sulinerit, suleriaatsit, atortunut toqqakkanut atatillugu suliareqqiinermit katiterinermilu periutsit aamma

d) sannavinni laboratorianilu sulinermit atatillugu isumannaallisaaneq peqqissuserlu.

Teknologimik avatangiisinillu nalilersuineq

e) teknologi teknikkitut, ilisimasat, aaqqissuussaaneq tunisassiallu,

f) teknologimik ineriartortitsineq allanngoranngitsumik katiterillunilu ineriartortitsinertut,

g) teknologimik nalilersuineq kingunissaanik nalilersuinertut, tamanik nalilersuineq kinguneqartussamillu nalilersuineq,

h) nunarsuarmi, nunarsuup immikkoortuini sumiiffinnilu avatangiisinut sunniutinut pissutaasut sunniuttarnerillu aamma

i) avatangiisinik nalilersuineq, atortut tunisassiallu avatangiisinik sunniutaannik nalilersuineq.

Tunisassianik ineriartortitsineq

j) isumassarsianik ineriartortitsinermit periutsit,

k) tunisassianik aaqqissuussamik ineriartortitsineq, ingerlariaatsit pisariaqartitanik paasisaqarneq, pisariaqartitanik misissuineq, tunisassiornermi periutsit, tunisassianik ilusilersuineq aamma tunisassiornermik piareersaaneq ilanngullugit,

l) tunisassianik toqqakkanik ilusilersuinerlut atillugu ilusii atuuffiilu aamma

m) tunisassioriaatsit, ataasiakkaanik, tullerriiaanik amerlasoorsuanngorlugillu tunisassiorneq.

Suliniuteqarnermi suleriaatsit

n) ajornartorsiummik oqaasertalersuineq,

o) paasissutissanik katersuinermit, toqqaanermi suliareqqiinermit ajornartorsiummik oqaasertalersuineq uppersaasiorerlu,

p) paasissutissanik katersuinermit pitsaassutsikkut annertussutsikkullu periuseq,

q) suliniummik pilersaaruserneq aamma

r) ilinniartut akornanni, ilinniartut ilitsersuisullu akornanni aamma ilinniartut suleqatigiillu avataneersut akornanni suleqatigiinnermit attaveqarnerit.

Uppersaasiorerneq saqqummiinerlu

s) teknikkikkut titartakkat,

t) sulinermit titartakkat, diagrammit, flowdiagrammit, katiterinermit titartakkat atortunillu ataasiakkaanik allattuiffiit,

u) teknikkikkut nalunaarusiat isikkulersornerat,

v) suliniummik saqqummiinermit takutitsinermit atortut

w) allattariarsorluni oqaluttariarsorlunilu ingerlatitseqqiineq aamma

x) pissarsiaqarfinnik atuneq nalunaarnerlu.

3.3 Ilasutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Ilasutitut ilinniakkat ilinniakkat pingaarnertit itisilissavaat taakkunungalu atassuteqartitsissallutik, suliniutinullu atillugu sammisaqarfiit nutaat ilanngunneqarsinnaapput. Ilasutitut ilinniakkat tassaassapput ilinniakkat ajornartorsiummut toqqakkamut suliamullu toqqakkamut atassuteqartut. Ilasutitut ilinniakkat aamma ilinniakkap sammiviani ilinniartitsissutinik allanik

suleqatigiissitsinissamut periarfissiissapput. Illassutitut ilinniakkat pingaarnertut ilinniakkatulli Kalaallit Nunaannut nunallu tamat akornanni pissutsinut sapinngisamik atassuteqartinneqassapput.

4. Ilinniartitsinermik aqqissuussineq

4.1 Ilinniartitsinermik aqqissuussineq

- a) Ilinniartitsinerni ilinniartut ilinniakkani qaffasissusiat ilisimasaallu aallaavigneqassapput.
- b) Ilinniartitsineq imatut aqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aqqissuunneqassaaq ilinniartitseriaatsit assigiinngitsut paarlakaajaanneqassallutik.
- d) Ilinniartitsineq imatut aqqissuunneqassaaq ilinniartut soqutigisaat pisariaqartitaallu isiginiarneqassallutik, taamaalilluni ilinniartut ilinniartitsissutip pissanganartuuneranik, naleqquttuuneranik soqutiginaruuneranillu misigisaqarnissamut periarfissinneqassallutik.
- e) Ilinniartitsineq imatut aqqissuunneqassaaq ilinniagaqarnerup ingerlanneqarnerani sammisanilu ineriartortitsinermi ilinniartitsissut siuariarfussalluni, tassa ilinniartitsissummi oqaatsit oqariartaatsillu ineriartorfiussallutik, taamaalilluni ilinniartut namminneerlutik suleriaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Ilinniartitsineq sivisunerusumi suliniummik ingerlatsilluni ajornartorsiutit tunngavigalugit ilikkagaqartarnertut aqqissuunneqassaaq. Ilinniartitsissummi ilinniakkat ataatsimoortutut misigineqarnissaat pingaartinneqassaaq. Ilinniartitsissummi ilinniakkanik suliaqarnermut atatillugu maannakkut piviusut tunngavigalugit suliat suliaassallu imaluunniit suliniutit ilinniakkanut sammiveqartut ilaapput. Ilinniartitsineq imatut aqqissuunneqassaaq ilinniartitseriaatsit akornanni paarlakaajaartitsisoqarluni, tassani piffissami sikinnerusartumik ilinniartitsisumit aqutamik ilinniartitsineq pisariaqassalluni, tassunga ilanngullugit suliniutinik saqqummiussanik, sannavimmik atuineramik il.il. saqqummiisoqartassalluni. Ilinniartitsisut aqutaannik ilinniartitsinerup ilaa ilisimatusarnermi nassuiaanernik paasinertut aqqissuunneqarluarsinnaavoq, taamaalilluni suliniutinik suliaqarnerup aallartinnginnerani tunngaviusumik pingaarnertut ilinniakkani immikkoortunik uppenarsaatinilu ilinniartut ilinniarnissaat qulakkeerneqassalluni.

Suliniutinik suliaqarnermi sannavinni laboratorianilu sulineq annertuumik ilaassaaq, aammalu atuagarsornerup sulianillu suliaqarnerup imminnut atanerat pingaartinneqassalluni. Suliniutinut aallaavittut ilinniartitsisoq suliniutinut siunnersuussuussaaq, tassani suliniutini ilikkagassatut anguniakkat ersissallutik.

Inuiaqatigiinni ajornartorsiut aallaavigalugu ajornartorsiutit tunngavigalugit suliniutinut ajornartorsiutit aalajangersimasut atorlugit suliniutinik ingerlatsinermi siuariartortoqassaaq.

4.2 Suleriaatsit

Issittumi teknologi B tassaavoq suliniutit atorlugit ilinniartitsissut, tassani ilinniartut arlallit suleqatigiillutik sulissallutik, aammalu sannavimmi laboratoriamilu sulineq ilinniartitsinermut annertuumik ilaassalluni. Laboratoriani sannavinnilu isumannaallisaanermut piumasaqaatit ilinniartut ilisimassavaat sakkullu atornissaat ilisimassallugu.

Ilinniartitsineq nalinginnaasumik ukiup aappaata affaanut aaqqissuunneqassaaq, tassani ingerlatsinermi siullermi suliniutit ilikkagassanut tunngasut suliniutillu ajornartorsiutinut aalajangersimasunut tunngasut isiginiarneqassallutik, ingerlatsinerup aappaani ajornartorsiutit tunngavigalugit suliniutit ingerlanneqassapput, tassani maannakkut ilikkagassat pingaarnert ilaat ataavartumik saqqummiunneqartassallutik. Suliniutinik suliaqarnermi ilaapput ajornartorsiutinik toqqakkanik nalilersuineq uppersaasiornertu, tunisassianik ineriartortitsineq aamma tunisassianik suliaqavinnerit.

Suliniutini teknikkimi aamma pinngortitamik ilisimatusarnermi ilisimasat ilinniartut atussavaat, tunisassianik ineriartortitsinermit atatillugu avatangiisit pillugit isumaliutersuuteqartoqassalluni aammalu ineriartortitserup, tunisassiat inuiaqatigiillu imminnut atanerat paasissutissiissutigineqassalluni.

Taassuma saniatigut piffissani sivikitsuni (pikkorissarnermi) ilinniartitsissummi oqaluttuarisaanermut tunngasut ilinniartitsissutigineqartariaqarput.

Ilinniarnermik ingerlatsinermi tamani ilinniartut allattariarsorlutik sulinermi piginnaasatik ilisimasatillu uppersaarsartassavaat. Allattariarsorluni sulineq imatut aaqqissuunneqassaaq, ilinniartitsissutini allani allattariarsorluni sulinermi siuariartortoqarluni taakkununggalu atassuteqartitsilluni. Allattariarsorneq ulluinnarni ilinniartitsinerup ilagaa ingerlaavartumik suleriaasiulluni, ilinniartut taamaalillutik allattariarsorneq isumaqarluartutut pisariaqartutullu misigissallugu. Allattariarsorneq nalunaarusiani annerusuni teknikkimik ilisimasani, sulinermit uppersaasiornermillu ingerlatitseqqiinermit tapersiivoq (titartakkat, tabelit, takussutissiaagallartut, diagrammit il.il.). Allattariarsorluni sulinermi angusat, naleqqutsillugu, elektroniskimik saqqummiinermik taarserneqarsinnaavoq.

Ilinniartitsineq aaqqissuunneqassaaq ilinniartut ilinniartitsissummi oqaatsinik siullertut oqaasillit aappaattullu oqaasillit isiginiarlugit. Ilinniartut ilinniartitsissummi siullertut oqaasillit aappaattullu oqaasillit isiginiarneqassapput.

Naleqqutsillugu taamaaliorsinnaasoqartillugulu teknologimik suliniutini IT atorneqassaaq, tassunga ilanngullugu paasissutissanik ujarlernermit, paasissutissanik katersuinermit, naatsorsuinermit, nalunaarusiamik allannermit, uppersaasiornermut saqqummiinermullu atatillugu. IT-p atorneqarnerani suliniummik suliaqarnermi nalinginnaasumik sakkutut ilaavoq.

Ilinniartut naggasiullugu ilinniartitsissummi suliniummik misilitsinnissamut soraarummeernissamut suliniummik immikkut suliaqassapput. Suliniut immikkut piffissami suliniuteqarnermi ingerlanneqassaaq,

ilinniartitsinerup nalinginnaasup avataani. Piffissami suliniuteqarfimmi ilinniartut suliniummi siunnersorteqassapput.

Suliniutissatut siunnersuutit, qitiusumit suliakkiissutigineqartut oqaasertalersorneqassapput taamaalilluni ilikkagassatut anguniakkat ilanngunneqassallutik, inuiaqatigiinni ajornartorsiutit suut ilinniartut suliniummi aallaavigissaneraat, kiisalu suliniut ajornartorsiummillu aaqqiissut pillugu immikkut pissusaasinnaasut, piumasagaataasinnaasut tunngavissaasinnaasullu paasissutissiissutigineqassapput. Siunnersuutit akornanni ilinniartut toqqaassapput.

Ilinniartut ataasiakkaarlutik imaluunniit ilinniartut sisamat tikillugit suliniummik allaaserinninnermik aallarnerneqassaaq, allaaserinninnerlu suliamik ingerlatsinermut qaffasissutsikkullu naleqquppat atuarfiullu sinaakkutaasa iluanni ingerlatsinermi ingerlatsilluarnermi ingerlanneqarsinnaappat ilinniarfimmitt akuerineqassaaq.

Piffissami suliniuteqarfimmi sapaatip akunnerani kingullermi allanik nalinginnaasunik ilinniartitsisoqassanngilaq. Piffissaq suliniuteqarfik tassaavoq tiimit 45-t missaat sapaatillu akunnerini arfinillit missaanni ingerlanneqassalluni. Ilinniartut allattariarsorlutik nalunaarummik aammalu suliamik imaluunniit suliamik ingerlatsinermik piffissami ilinniarfiup soraarummeernissamut pilersaarusiaani ersittumi tunniussissapput. Nalunaarusiaq ilinniartitsissumi ukiumoortumik karakteriliinermut tunngavinnut ilaassaaq.

4.3 Ilinniartitsissummi oqaatsit

Ilinniartitsineq imatut aaqqissuunneqassaaq ilinniartut ilinniartitsissummi oqaatsinik atuinerat ilinniartitsissummilu taaguutinik paasinninnerat atuinerallu aaqqissuussamik ineriartortillugu. Ilinniartitsineq imatut aaqqissuunneqassaaq ilinniartut ilinniartitsissummi taassuma siuliani oqaatsinik taaguutinillu paasinnissinnaalerialartortillugit.

4.4 Ilinniartitsissutitut allanut atassuteqartitsineq

Ilinniartitsineq imatut aaqqissuunneqassaaq ilinniartitsissutini arlalinni piffissap ilaani sulisoqartarluni ilinniartitsissutinilu allani ilisimasaqarfinnut sanilliussilluni. Issittumi teknologimi B-mi suliniutinut atatillugu ilinniartitsissutini allani ilinniartitsinermi ilinniartut ilisimasaat atorineqassapput, taamaalilluni ilinniartitsissummi suliamik ingerlatsinermi itisiliinissaq taparserneqassalluni. Issittumi teknologi B ilinniartitsissutitut danskisut aamma pingortitamk ilisimatusarneq suleqatigiissitsinermi ilaavoq, tassani ilinniartitsissutit ilisimasanut periutsinullu issittumi teknologimi B-mi suliniutinut atatillugu ilinniartut atorsinnaasaannut tapersiissalluni. Ilinniartitsissutitut allanik suleqatigiissitsineq, tassunga pingaartumik ilinniartitsissummik pingortitamk ilisimatusarneq, annertuumik pingaartinneqassaaq. Pingaarnertut ilikkagassanik saniatigullu ilikkagassanik piviusunngortitsinermi toqqaaneq suliarinninnernillu suliamik ingerlatsinermi ataqatiginnermut annertusaanermik tapersiissaaq. 21

5 Nalilersuineq

5.1 Ingerlaavartumik nalilersuineq Ingerlaavartumik nalilersuisarneq suliamik ingerlatsinermi piginnaasanik suleriaatsinillu atorneqartunik atuisinnaassuseqarnermik erseqqarissumik takutitsissaaq. Nalilersuineq ingerlanneqassaaq, ilinniartut taamaalillutik ilinniartitsissummi killiffimmik ingerlaavartumik paasisaartillugit. Nalilersuineq ingerlanneqassaaq ilinniartitsissummi ilikkagassatut anguniakkat anguniakkallu suliniuteqarnermik suliaqarnerup aallartinnerani ilinniartitsisup aalajangersagai kiisalu ilinniartup ilinniagaqarnermini nammineq anguniagai tunngavigalugit.

5.2 Misilitseriaatsit

Immikkoortumi 4.2-mi allaaserineqartutut suliniummik misilitsinneq tunngavigalugu ilinniartut soraarummeernissamut suliniutaat.

Misilitsinneq tassaavoq ilinniartup allaganngorlugu nalunaarusiaa, ilinniartup suliaa suliamik ingerlatsineq ataaseq ilanngullugit oqaluttariarsorluni misilitsinneq ilanngullugu.

Oqaluttariarsorluni misilitsinnginnermi nalunaarusiap assilineri ilinniarfiup censorimut nassiutissavaa. Ajornartorsiutit suut soraarummeertup itisilissanerai pillugit oqaluttariarsorluni misilitsinnginnermi soraarummeertitsisoq censorilu oqaloqatigiissutigissavaat.

Piareersarnissamut piffissaliisoqassanngilaq, piffissarlu soraarummeerfik soraarummeertumut ataatsimut minutsit 30-t missaaniissaaq.

Oqaluttariarsorluni misilitsinneq tassaavoq soraarummeertup suliniumminik ilisarititsinera saqqummiineralu, soraarummeertitsisumit itisiliilluni apeqqutinik ilallugu. Suliniut aallaavigalugu oqaluttariarsorluni misilitsinneq aamma imaqarpoq itisiliilluni oqaloqatigiinnermik, taannalu imaqarpoq ilinniartitsissummi pingaarnertut ilinniakkat ilassutitillu ilinniakkat tamarmiusut iluanni sammisat naleqquttut. Ilinniartup suliniummik ilisarititsinera saqqummiineralu piffissap soraarummeerfiusup annertunerpaamik affaanik sivisussuseqassaaq.

5.3 Naliliinermi tunngaviit

Soraarummeertup ukuninnga piginnaasaqartiginera tamanut tunngasumik pingaartinneqassaaq.

Nalunaarusiaq

- a) uppersaatiit attaveqarnerillu nalilernerat, tassungalu ilanngullugit paasiuminartuunerat, imminnut atanerat, pissarsivinnik innersuussinerit teknikkikkullu uppersaatiit,
- b) suliniummi ajornartorsiutinik uppersaasioq suliaqqiinerlu,
- c) piumasaqaatinut aalajangerneqartunut toqqakkanullu suliamik ingerlatsinermi tunngavilersukkat,

d) sulianik ineriartortitsinermi suliamik ingerlatsinerup, suliap inuiaqatigiillu akornanni ataqatigiissitsineq, tassunga ilanngullugit avatangiisit pillugit isumaliutersuutit,

e) ilinniakkat sammiviani ilinniartitsissutini allani ilisimasanik naleqquttunik ilanngussineq aama

f) suliniummik pilersaarusionerq nalilersuinerlu.

Suliaq

a) saqqummiinermi peqqissaarnerq suliamillu ingerlatsinermik piginnaasaqarnerq,

b) piunasaqaatitut aalajangikkanut tunngatillugu isumassarsiaq, immikkuullarissuunerq pitsassuserlu.

Oqaluttariarsorluni misilitsinneq

a) suliniummik oqaluttariarsorluni ilisaritsineq

b) aaqqiissutit toqqarneqartut pillugit nassuiaaneq,

c) suliniummi atuagarsornermik suliamillu ingerlatsinermik ataqatigiissaarisinnaassuseq

d) suliniutip imarisaanut tunngatillugu piginnittuunermik ilinniartup takutitsinera aamma

e) itisiliilluni ilassutitullu apeqqutinut akissuteqarnerq.

Suliniut pillugu nalunaarusiamik ingerlanneqavissuni angusat tassunga ilaasut ilanngullugit oqaluttariarsorlunilu misilitsinnermi soraarummeertup angusaqarneranik ataatsimut naliliineq tunngavigalugu karakteriliisoqassaaq.